

Exitoso Festival di Caha di Orgel organisa dor di Club Universal

SABANA BASORA - Diadomingo ultimo Club Universal tabata completamente yen di personanan cu a acudi pa presencia Festival di Caha di Orgel organisa dor di Club Universal. Di e 17 cahanan di orgel cu tabata inscrib, dos a cai afor pa motibo di fayecimento repentino den famia, mientras cu tabatin dos a binu suertu, eta "Adorada" di Chido Marina y Ale Weerleman a bini cu dos caha, eta "El Negroito Maldito" y "Querida".

E popularidad di tipo di festival aki a keda demonstra den e cantidad di hendenan cu a bin halia musica di caha. Ta normal cu cada caha di orgel tin su fanaticonan cu ta companianan cu e diferente actividadnan unda cu nan ta participa.

Poor a nota presencia tambe di Director di Instituto di Cultura, Frank Cross.

Remarcable den e actividad aki ta presencia di e tocado mas hoben di caha di orgel, esta Pier Angelo Ras (8 año), kende ta

toca caha "Mi Dulcita" pero tambe ta domina e wiri. No ta porada pasobra Pier Angelo ta e di tres generacion cu ta toca caha. Ademá e ta nieto di e conocido Hubert "Lio" Booi.

E mesun dia aki tambe tabatin competencia di baile di caha di orgel, pero solamente por a participa personanan cu no ta profesionalnan. Na prome lugar a sali Antonia Solognier y Canisio Maduro sigui na Segundo lugar pa Aileen Wever y Dabian Rasmijn.

E actividad aki tabata dedica na Betto Erasmus (q.e.p.d.) y Agripino Geerman.

Directiva di Club Universal kier a gradici e pueblo di Pos Chikito y Sabana Basor pa nan apoyo, pero tambe tur esnan cu a bishita e festival aki y prensa cu a apoya e evento aki grandemente.

Keda pendiente pa e proximo actividad di club.

